

REGLUGERÐ

um fasteignaskatt á Ísafirði.

Fasteignaskatt á Ísafirði skal innheimta með 50% álagi eins og hann er ákveðinn í 3. gr. laga nr. 51 10. júní 1964.

Reglugerð þessi staðfestist hér með samkvæmt lögum nr. 51 10. júní 1964, 5. gr. sbr. 3. gr., til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 17. apríl 1967.

Magnús Jónsson.

Hjálmar Vilhjálmsson.

Nr. 61.

24. apríl 1967.

SAMÞYKKT

fyrir Veiðifélag Selfljóts.

1. gr.

Félagið heitir Veiðifélag Selfljóts. Heimili þess og varnarþing er heimili formanns.

2. gr.

Félagið nær til allra jarða sem land eiga að Selfljóti, Gilsá, Unalæk, Núpsá, Hurðarbaksá, Staðará, Gerðisá, Bjarglandsá og Jökulsá, en þær eru: Unaós, Hrafna-
björg, Þórsnes, Sandbrekka, Dalir, Kóreksstaðagerði, Kóreksstaðir, Sigtún, Jórvík, Jórvíkurhjáleiga, Svínafell, Hjaltastaður I, Hjaltastaður II, Grænahlið, Rauðholt, Árnastaðir, Hríótur, Hreimsstaðir, Nýbýlalönd V og VI, Hjartarstaðir I og II, Brenni-
staðir I og II, Gilsárteigur I og II, Ormsstaðir, Eiðar, Hleinargarður, Ketilsstaðir, Ártún, Hlégarður, Nýbýlaland III, Kvisthagi, Laufás, Bóndastaðir, Hrollaugstaðir, Engilækur, Klúka, Gagnstöð og Heyskálar.

3. gr.

Verkefni félagsins er að efla góða fiskgengd og arðsemi veiðihlunninda á félags-
svæðinu og ráðstafa veiði eins og hér segir:

1. Leigja stangaveiði.

2. Heimila félagsmönnum veiði í fastar veiðivélar eða stöng.

Félagið tekur til allrar veiði á félagssvæðinu og getur látið stunda sameigin-
lega veiði á vissum stöðum ef svo ber undir.

4. gr.

Stjórn félagsins skipa 3 menn, formaður og 2 meðstjórnendur. Skulu þeir
kosnir á aðalfundi til þriggja ára í senn.

Ganga þeir úr stjórninni á víxl þannig, að formaður gengur úr eftir 1 ár,
annar meðstjórnandi eftir 2 ár og hinn eftir 3 ár og helzt svo sama röð áfram.

Kjósa skal varaformann og 2 varamenn. Skulu þeir ganga úr stjórn eftir sömu
reglum og aðalmenn. Enn fremur skal kjósa 2 endurskoðendur til tveggja ára í
senn og skulu þeir ganga úr sitt árið hvor.

Enginn atkvæðisbær félagsmaður getur skorast undan kosningu nema sérstök forföll hamli, eða hann hafi verið í stjórn í 3 ár.

5. gr.

Stjórnin hefur á hendi allar framkvæmdir félagsins milli aðalfunda. Hún fær menn sér til aðstoðar við þau störf í þágu félagsins, sem vinna þarf á hverjum tíma og semur við þá um þóknun fyrir.

Formaður er fulltrúi félagsins út á við og hefur yfirumsjón með öllum störfum félagsins og fjárreiðum. Óheimilt er öllum að veiða á félagssvæðinu nema með skriflegu leyfi félagsstjórnarinnar.

Í leyfinu skal tekið fram um veiðitíma og veiðitæki og með hvaða kjörum leyfið er veitt.

6. gr.

Aðalfund skal halda í marz—apríl ár hvert.

Á aðalfundi skýrir stjórnin frá störfum félagsins á liðnu starfsári og leggur fram tillögur um starfsemi þess á næsta ári.

Þá skal leggja fram endurskoðaða reikninga félagsins og úrskurðar fundurinn um þá.

7. gr.

Reikningsár félagsins er almanaksárið.

Stjórninni ber að færa reikninga í gerðabók félagsins svo og innfæra í bókina samþykktir félagsins, félagaskrá, arðskrá, fundargerðir og bréf.

8. gr.

Arði af sameiginlegri veiði skal skipt niður á félagsmenn samkvæmt arðskrá. Félagsmenn greiði gjöld til félagsins í sömu hlutföllum og þeir taka arð.

9. gr.

Brot á samþykkt þessari varða sektum samkvæmt XVII kafla laga nr. 53/1957 um lax- og silungsveiði.

Samþykkt þessi staðfestist hér með samkvæmt lögum nr. 53, 5. júní 1957, um lax- og silungsveiði, til að öðlast gildi þegar í stað og birtist til eftirbreytni öllum þeim, sem hlut eiga að máli.

Landbúnaðarráðuneytið, 24. apríl 1967.

Ingólfur Jónsson.

Þorv. K. Þorsteinsson.

REGLUGERÐ

um stimpilgjald af slysatryggingarskírteinum.

1. gr.

Slysatryggingarskírteini, sem gilda eiga eitt ár eða lengur, skal stimpla með 10 aurum (grunn gjald) af þúsundi eða broti úr þúsundi tryggingarfjárhæðar. Skírteini, sem gilda eiga í einn mánuð eða skemmri tíma, skal stimpla með 1/12 þess, sem skírteini til árs skal stimpla, þau sem gilda 2 mánuði með 2/12 o. s. frv., og telst brot úr mánuði sem heill mánuður.